

Leev Tante Finchen.

He wedder mol e briefke, wat sech so em letzte Johr en ons Hassels so jedonn hätt. Et wohr nit eso vill, äwwer öwer dat eene oder angere möht ech dech he berichte.



Emol em Johr es en onserem ruhije Hassels dä Düwel loss. Denn do falle de Sankt Mätes-Turiste en et Dorf en, on do jeht dann reschtisch de Post aff!

Erkenne deht m'r dat miestens janz jonge Jemös doran, dat se en Horde von wenichstens 5 oder 6 Lütt opräde, kinn Latäne drare (die wöhde beim schnelle, hektische hen-on herloofe nur störe), on en jroße ALDI-Tüüt als eenzijas Jepäckstöck dobei hant. Wenn de Hassler Kenger noch op em Schollhoff de Manteldeelung kicke, jonnt de Turiste schon dem eenzije Zweck von denne ehre kooze Besöhk en Hassels noh, nämlich möschleßt schnell on met so wennisch Opwand wie möschlesch, ehr ALDI-Tüüte voll ze krieje!

Do höre de Jeschäftsliütt en zwanzesch Menudde onjefähr 150 Mohl „ He wönnt ene riche Mann“, on nur selden emol e Dankeschön. Em wegloofe roope se dem nähste Pänz schon zo: „ Do brochst de dech nit anzostelle, bei dem jöft et nur Äppel !“

On wenn dann onser Hassler Kenger von de Manteldeelung zom Jrippsche komme, jövt et en mansche Läde noch nit emol mih die Äppel, denn de Turiste wohre flöcker. Äwwer wat Johdes hätt dat Jedöhns doch och wedder. An dem Daach send Moslems, Judde, Mohammedaner on Christe em Jlöwe an de hellije Mätes en Bad Hassels op ene Nenner ! Een von de seltene Jelejenheite, wo de Intejracion joht klappe deht.

Jetz wat angeres.

No dem Jedöhns em letzte Johr beim Scheeße op de Könichsmösch, hant sech din Schötze entschlosse, ne eijene Hochstand he en Hassels zo baue.

Äwwer zwesche wolle on könne es ne jroße Ongerschied. So wie et ussüht, send die so zemlesch blauäujisch an dat Bauvörhann eranjeange.

Denn bei ons Amtsstelle, die ehr Zostemmung jäwe mösse, wohd denne esch emol d' r Zang jetrocke von wähje, jetz baue mer mol flöck ne Scheeßstand - jeschisse !

Op jede Fall solle sech de Problemsches doröwer zo nem jewaltije Turm opjeschaukelt hann.

Ech hoff jo, dat din Schötze de Muul nit eso voll jenomme hant.

PS. Dat neuste wat m'r jetz höht - vom zanglose Pitter - soll äwwer zomindest för dies' Johr secher sin, dat wedder em Döörp jeschosse wähe kann.



So, leev Tant', dat wohr et wedder - bes zom Schötze fest. Ech freu mech dropp, denn m'r hant diess Johr e besonders doll Fest - nämlich 75 jöhrijes Bestonn vom Rejiment.

Bes dohin, bliev jesond

Din Hänschen